



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Assertionvm Theologicarvm Sfortiae Pallavicini Sacrae Theologiae Professoris in Collegio Romano Societatis Iesv. Libri Qvinque**

De Sacramentis

**Pallavicino, Sforza**

**Romæ, 1650**

Cap. 9. Quomodo imperemus illos actus de quibus non scimus reddere  
rationem.

**urn:nbn:de:hbz:466:1-38948**

nis ut sit aliquid supernaturale, tamen non est actus proprius filij Dei, sed procuratoris Dei, ideo non meretur augmentum gratiæ, & gloriæ.

## CAPVT IX.

*Quomodò imperemus illos actus de quibus non scimus reddere rationem.*

113 **P**RO complemento huius doctrinæ reliquum est explicare quomodo possit esse necessarium semper nouum ac nouum voluntatis imperium ad exercendos eos actus de quibus tamē interrogati nescimus reddere rationem. Nihil enim  
voli-

volitum quin præcognitum; Et tamen nemo nostrum valet explicare qui nam sint illi certi motus, quos præstat lingua in pronunciatione huius, vel illius vocis, quam utique vocem quoties libet, illicò & cum minima attentione pronunciamus. Pro huius rei explicatione aduertendum est, duo esse genera obiectorum. Altera quidem sunt adeò differentia inter se, & in numero tam limitato vt possimus, & velimus illis impendere specialem notationem, quò retineamus species memoratiuas, per quas illa inuicem distinguamus. Huiusmodi sunt ex dissimilitudine quidem ex g. species Aquilæ, & Corui, vel ex paucitate, & necessi-

H 4 tate

tate ea discernendi, vultus cognatorū, amicorū &c. Altera sunt obiecta adeò multa, & tam parùm varia, vt formare in nobis eorum simulacra, per quæ possimus etiam in eorum absentia habere cognitiones eorundem distinctas, esset opus supra omnem laborem, & copiã tēporis; nobis possibile. Ideò habemus de illis species quasdam tenues, subobscuras, & mortuas quæ nō nisi ab aliqua intuitiua cognitione excitātur, & percellūt phantasiã.

114 Hæc enim est natura cognitionis intuitiuae, quod per eam reuiuifcat memoria eiusdem obiecti aliàs cogniti, nec non aliorum, quæ simul cum illo cognouimus, & quorum remansit in animo species

cies complexa ; Vt patet quoties videmus hominem, ædificium, librum &c. quæ ante plures annos videramus, & de quibus interrogati nesciebamus reddere rationem. Statim enim vt denuò id apparet, reminiscimur, fuisse à nobis tunc visas omnes illas proprietates, & qualitates, quæ in eo nunc videntur, & quarum eo absente nulla occurrebat recordatio. Hæc est ratio cur quando sacrificium, aut aliud opus peragimus, ritè exequamur omnes illas ceremonias, & actiones, de quibus tamen si alibi interrogemur, hæsitamus : Si quidem cognitio intuitiua vnius partis excitat speciem, quantumuis per se tenuem, & elanguidam alterius partis.

H 5 Imò

Imò si in eodem opere velimus nimium attendere, & quasi ratiocinari quid agendum, aut dicendum sit, aliquando hæremus: impedimus enim tunc, & disturbamus motum illum ordinatum specierum, qui sua sponte fieret nisi mentem, & imaginationem ad alios actus diuerteremus.

¶ Idem ergo contingit de illis tam multis, tamque frequentibus motionibus, & impulsibus, qui sunt necessarii ad recitandum, cænendum, saltandum &c. Remanent enim eorum species, multæ quidem propter iteratos actus, sed singulæ tam obscuræ tam debiles, vt excitari nequeant nisi à cognitione intuitiua par-

tis

tis præcedentis, vel alterius obiecti, de quo simul formaui-  
mus phantasma complexum:  
Licet de quibusdam paucio-  
ribus, & vniuersalioribus phi-  
losophi per attentam medita-  
tionem acquirant species di-  
stinctas etiam in ordine ad  
cognitionem abstractiuam; vt  
ex g. de modo proferendi hãc  
vel illam litteram vocalem,  
aut consonantem.

116. Cæterum ne tum quidẽ  
cum motus illos imperamus,  
possumus de illis rationem  
reddere. Nec enim tam im-  
peramus motum quemlibet  
peculiarem, quàm productio-  
nem talis, & tanti impulsus.  
ad quem experti sumus subse-  
qui talem vocem, aut saltum  
&c. Hi autẽ impulsus sunt in-

H 6 nomi

nominati, & innominabiles  
tum propter infinitam pænè  
multitudinem, tum quia no-  
mina requirunt conventionē,  
& conventio requirit, vt ho-  
mines qui conueniunt, sciant  
super quonam obiecto conue-  
niant. At nemo potest reddere  
cognoscibile, & sensibile alteri  
illum determinatū impulsū  
quem ipse experitur in se; Et  
hinc prouenit cur multa a lia  
obiecta pariter inter homi-  
nes sint innominabilia.

